

醫

通

卷十六

祖

方

張介賓八畧總論

張氏醫通卷十六

清

長洲石頭張

璐路玉父纂述

男

以柔安世

叅訂

訥遜言

日本大泉長菴前田安宅子仁

再訂

男

典子守

夫字有字母。方有方祖。自伊尹湯液。一脈相傳。與釋氏傳燈無異。苟能推源於此。自然心手合轍。諒非時師所能測識也。

桂枝湯 玉函

治風傷衛氣。脈浮緩發熱自汗。營衛不和。
上

桂枝 三錢

白芍 三錢

甘草 炙二錢

生薑 五片

大棗 四枚
擘

右五味水煎溫服。發熱稀粥一盞以助藥力。覆煖取微汗。効。不汗少頃再服。

小建中湯

玉函

治風木乘脾。寒熱腹痛。

桂枝湯倍芍藥。加膠飴三錢。

黃耆建中湯

金匱

治虛勞感寒。發熱自汗。

桂枝湯加黃耆錢半。膠飴一合。千金多人參二錢。

桂枝湯和營表藥。倍芍藥加膠飴。便能建立中氣。以芍藥之酸。斂護營血。膠飴之甘。培養中土。更加黃耆以實衛氣。營衛藏府俱和。而受益多矣。千金於小建中方。加入當歸。名曰內補建中。其調和中外之力可知。

陽旦湯

千金

治冬溫脈浮發熱。項強頭痛。

桂枝湯加黃芩錢半。

陰旦湯 千金

治冬溫內寒外熱。肢節疼痛。中挾寒食。

桂枝湯加黃芩錢半。乾薑五分。

陰囊四塞。非平旦之氣。無以開。啟陽和。桂枝湯原名陽旦。開。啟陽邪之藥也。千金於中加入黃芩之苦寒性輕。以治冬溫在表之邪熱。仍以陽旦稱之。若兼挾寒食。再加乾薑之辛溫散結。以治中土之停滯。遂因之曰陰旦。與經絡之陰陽風馬牛不相涉也。

獨活湯

千金

治風懿奄忽不知人。咽中閉塞不能言。四肢

不收。手足彈曳。

桂枝湯桂枝易桂心。去大棗。加獨活。栝蒌根。生薑。發其汗。不得汗。去獨活。栝蒌根。生薑。加防己。防風。麻黃。痞瘕。不語。並皆治之。

當歸四逆湯 玉函

治陽邪入犯厥陰四肢厥逆。

桂枝湯去生薑加當歸三錢細辛通草各一錢。

邪犯厥陰之界有入無出雖有熱邪勢必從陰而爲厥逆。故厥陰篇中有厥深熱深之例以振發傳經之變端。病邪至此最爲緊迫。醫者苟無成識於胸中。臨病將何措指南。陽先師乃毫不以厥逆爲意。仍取太陽例中桂枝湯方加入當歸。協濟芍藥以護厥陰之營。細辛引領桂枝以爲厥陰嚮導。通草通利膀胱以疏厥陰出路。與桂枝平分力量。爲分解之捷徑。雖厥陰與太陽兩經接壤。邪既入陰。斷無復傳陽經之理。先輩六經例有不罷再傳之說。大可噴飯。而桂枝方中獨去生薑者。恐辛辣性暴。不待氣味入陰。便從太陽開發。轉虛其衛。再有何力以振驅邪之任歟。由是

廣推大小青龍。大小柴胡。和解營衛兩岐。表裏交界之邪。必用薑棗爲一定之法。若麻黃湯則專主寒傷營證。便與生薑無預。逮至三陰等治。從無一方泛用生薑者。生薑爲手頭常用之物。尚爾若此之慎。況有不察厥深熱深之旨。一見四肢厥冷。漫投薑附四逆。於此能無戚戚乎。內補當歸建中湯千金中。治產後血虛。虛羸不足。腹中刺痛。少腹中急。或感寒發熱。

桂枝湯桂枝易肉桂。加當歸二錢。膠飴六錢。

崩傷內衄不止。加地黃六錢。阿膠二錢。產後一月服四五劑。令人強壯。

桂枝龍骨牡蠣湯 玉函

治虛勞夢泄。惡寒發熱。

桂枝湯加龍骨 煨 牡蠣 熬 各錢半

桂枝大黃湯 玉函

治太陰中風誤下。引邪入內腹滿痛。

桂枝湯加大黃一錢。

桂枝湯表藥也。以其誤下。引邪入內。賊而腹滿痛。渾是表邪。在內不解之故。故仍用桂枝湯。畧加大黃。因勢利導。病既變。則藥亦不得不隨之而變也。

桂枝葛根湯 玉函

治太陽經柔痙。自汗脉浮。

桂枝湯加葛根二錢。

栝蒌桂枝湯 金匱

治痙太陽證。備身體強。几几然。脉沉遲。

桂枝湯加栝蒌根二錢。

桂枝加附子湯 玉函

治亡陽漏風。肢體屈伸不和。

桂枝湯加熟附子一錢。

桂枝加黃耆湯 金匱

治黃汗發熱。脛冷。腰以上汗出。下無。

汗。

桂枝湯加黃耆二錢。

耆芍桂酒湯

金匱

治汗如漿汁。肢體腫。發熱汗出而渴。

桂枝湯去甘草薑棗。

加黃耆五錢。苦酒和水煎。

黃耆桂枝五物湯

金匱

治血痺。身體不仁。如風狀。

桂枝湯去甘草。加黃耆等分。

千金桂枝易桂心。加人

參名黃耆湯。

茯苓甘草湯

玉函

治風邪入犯膀胱氣分。小便不利。

桂枝湯去芍藥大棗。加茯苓二錢。

苓桂朮甘湯

玉函

治心下有支飲。胸腹支滿目眩。

桂枝湯去芍藥薑棗。加茯苓二錢。白朮一錢。

此僅用桂枝湯之半。以流動中外之支滿。兼四君子之半。

以運行在裏之痰氣也。

桂枝去芍藥加皂莢湯 金匱

治肺癰吐涎沫。初起有表邪。

者。

桂枝湯去芍藥加皂莢一枚。去皮核酥炙。

桂枝去芍藥加麻黃附子細辛湯 金匱

治氣分心下如盤。

桂枝湯去芍藥加麻黃附子各一錢。細辛半錢。

病在氣分。非麻桂不能分解。病氣盤錯。非辛附不能破結。去芍藥者。惡其酸收也。

小青龍湯 玉函

治溢飲喘欬。自利發熱。當發其汗。

桂枝湯去薑棗。加麻黃三錢。半夏二錢。炮薑細辛五味子各半錢。

小青龍加石膏湯 金匱

治喘欬上氣煩躁。心下水氣。

小青龍湯加石膏雞子大一枚。碎

桂枝麻黃各半湯

玉函

治太陽證脈微惡寒。

桂枝湯加麻黃杏仁。

桂枝二越脾一湯

玉函

治營衛俱傷風多寒少而煩滿。

桂枝湯本方各二錢。加麻黃二錢。石膏三錢。

桂枝芍藥知母湯

金匱

治肢節痛。脚腫如脫。

桂枝湯去大棗。加麻黃二錢。白朮半兩。知母防風各四

錢。熟附子二錢。

炙甘草湯

玉函

治傷寒脈結代。心動悸。及肺痿唾多。心中

溫溫液液。虛勞不足。汗出而悶。

桂枝湯去芍藥倍甘草。加入參二錢。生地三錢。麥門冬

二錢。麻子仁一錢。阿膠二錢。

混是清潤調補藥中。但用桂枝一味。以流動經脉之滯。麻仁一味。以滋潤腸胃之結。而脈虛結代。心虛動悸。一切虛勞不足。得以榮養。則脈虛自復。心悸自寧矣。

芍藥甘草湯

玉函

治管血受傷。熱不止。

桂枝湯去桂枝薑棗。

芍藥甘草附子湯

治發汗病不解。反惡寒。及瘡家發汗成

瘕。

桂枝湯去桂枝薑棗。加附子一錢。

炮

黃芩湯

玉函一名黃芩芍藥湯

治伏氣發溫。太陽少陽合病自利。

桂枝湯去桂枝生薑。加黃芩三錢。

黃芩加半夏湯

玉函

治伏氣發溫。內挾痰飲痞滿欬逆。

桂枝湯去桂枝。加黃芩三錢。半夏二錢。

黃芩湯本治春夏溫熱。熱自內發。故於桂枝湯中。除去桂枝生薑之辛溫。易以黃芩之苦燥。轉溫散為涼解。大匠運斤妙用。不可思議。後世借以治下利身熱。亦不出此。其黃芩加半夏湯。治自利而嘔。與夏秋下利白沫。若合符節。異病同治。總不出南陽之繩墨也。

麻黃湯

玉函

治寒傷營氣。脈浮發熱。無汗而喘。骨節痛。

麻黃

去節 三錢

桂枝 三錢

甘草

炙 一錢

杏仁

二十枚 泡 去皮尖碎

右四味水煎溫服。煖覆取微汗。不須啖粥。以寒邪入傷營

氣。營氣起於中焦。恐穀氣反助邪熱也。

麻黃加朮湯

金匱

治溼家身體煩疼。日晡發熱。

麻黃湯加白朮四錢。

溼家身疼煩熱。渾是軀殼受傷。即用麻黃湯開發肌表。不
得白朮健運脾氣。則溼熱雖從汗泄。而水穀之氣依然復
為痰溼。流薄中外矣。然朮必生用。若經炒焙。但有健脾之
能。而無祛溼之力矣。

古今錄驗橘皮湯

金匱

治寒邪傷肺。欬嗽吐血。

麻黃湯換肉桂。

加橘皮當歸紫苑黃芩。

麻杏甘石湯

玉函

治發汗後。汗出而喘。無大熱者。

麻黃湯去桂枝。加石膏半兩。

此麻黃湯去桂。而兼越脾之意。喘祛上焦溼熱痰氣。與苓

桂朮甘湯互發。彼藉苓朮。專祛心下之支飲。此藉石膏。專

祛膈上之溼熱也。

麻黃杏仁薏苡甘草湯

玉函

治風溼一身盡痛發熱。日晡

所創者。

麻黃湯去桂枝。加薏苡半兩。

杏子湯 治風水虛脹脈浮。發其汗即已。

麻黃湯去桂枝。又易簡杏子湯用小青龍加人參杏子仁。

甘草麻黃湯金匱 亦治裏水。

麻黃湯去桂枝杏仁。方用甘草二錢。麻黃四錢。

葛根湯玉函 治太陽陽明合病自利。或發熱無汗。喘滿不

食。

麻黃湯去杏仁。增桂枝一錢。加葛根四錢。芍藥二錢。生

薑三片。大棗三枚。

此即麻黃桂枝二湯合用。於中但去杏仁。增葛根。為陽明

經證之專藥。以其能輔麻黃。大開肌肉也。去杏仁者。既開

肌肉於外。不當復泄肺氣於內也。聖人立法。一方一味。各

有斟酌。非刻意研求。焉能測識其微。而為倉生司命哉。

三拗湯

局方

治風寒傷肺而欬。悞行斂肺。而壅嗽喘急。

麻黃湯去桂枝。用麻黃。

節不去

甘草。

杏仁。

連皮

等分。更

加桔梗。荆芥。名加味三拗湯。

麻黃附子細辛湯。

玉函

治少陰病。脉沉發熱。及水腫喘欬。

麻黃湯去桂枝杏仁甘草。加附子一錢。細辛半錢。

附子散。

千金

治中風手臂不仁。口面喎僻。

麻黃附子細辛湯。加乾薑桂心人參防風芎藭羚羊角。

為散水煎。加竹瀝。日服一劑。効。

倉公當歸湯。

治賊風口噤。角弓反張成瘓。

麻黃附子細辛湯。加當歸防風獨活。水酒和煎。口不開。

者。格口內湯一服當蘇。二服小汗。三服大汗。

麻黃附子甘草湯

玉函金匱名
麻黃附子湯

治少陰病脉沉發熱。二三

日無裏證。及水腫脈沉。

麻黃湯去桂枝杏仁加附子一錢。

千金大棗湯

治歷節疼痛。

麻黃附子甘草湯加黃耆薑棗。日三服。汗之。

發表重劑。莫如麻黃。溫經峻藥。首推附子。表裏補瀉。功用

天淵。仲景於少陰病脉沉發熱。二味合用。單刀直破堅壘。

而建補矢浴日之功。在一二日間。勢難叵測。則用細辛以

助其銳。二三日無裏證。則用甘草以緩其治。各有權度。金

匱於水腫治例。亦用二湯。喘嗽則兼細辛。以開肺氣之壅。

脉沉則兼甘草。以緩腎氣之逆。與初起防變。二三日無裏

證互發。而倉公乃於麻附細辛方中。加當歸防獨以療賊風口噤發瘕。千金復以麻附甘草湯內。加黃耆薑棗以治歷節疼痛。總賴麻黃附子。輒外輒內。迅掃其邪。杲日當陽。何有陰霾之患乎。

麻黃升麻湯

玉函

治冬溫誤行汗下。下部脈不至。咽喉不

利。唾膿血。

中上

麻黃湯去杏仁。用麻黃二錢。桂枝甘草各八分。加升麻當歸各一錢。知母黃芩萎蕤各二錢。天門冬芍藥乾薑白朮茯苓石膏各八分。

此方專主陽熱陷於厥陰。經脈爲邪氣所遏。故下部脈不至。而證見咽喉不利。唾膿血也。邪遏經脈。非兼麻黃桂枝之制。不能開發肌表以泄外熱。非取白虎越脾之法。不能